

SURANA YAHYA RUA MPEARONA

POGAU BHAA-BHAANA

Surana Yahya Rua Mpearona sii aburia samia "kapalana jama'a" to "ina ipilina Aulata'ala" tee manga anana imaasiakana. Ma'anana, "ina tee manga anana" aipomo saangu jama'a tee manga anggotana.

I nuncana sura momampodho sii, moburina sura sii aemani rua giu to mia mobacea. Bhaa-bhaana, mamudhaakana manga incia apomaa-maasiaka podho-podho manga incia. Kasiimpo, mamudhaakana manga incia akojaga-jaga tee manga guru mosaladhala tee kaadharina manga guru incia sumai.

Antona

Porikanaana pogau 1-3

Atofaraluu mpuu o kaasi 4-6

Kaudhaniaka minaaka i manga kaadhari mos-
ala 7-11

Kapadhaa 12-13

Salamu
1-3

¹ Minaaka i iaku samia mancuana jama'a, to bhawine ipilina Aulata'ala tee manga ana imaasiakaku* i nuncana kabanara. Mencuana soo iaku momaasiakakomiu, maka bhari-bharia mia momatauna kabanara uka,

² roonamo kabanara sumai amboore i nuncana ngangarandata, tee sadia apoose tee ingkita sa'umurua.

³ Kabarakati, rahumati, tee kasalaamati mominaakana i Aulata'ala o Ama tee minaaka i Isa Al Masi o Ana moumbana minaaka i Aulata'ala, bheapoose tee ingkita i nuncana kabanara tee kaasi.

Usadhaadhaamo i Nuncana Kaadharina Al Masi

4-11

⁴ Iaku kukaunde-unde mpuu, roonamo padhamo kupotibhaaka pia-pia mia minaaka i manga anamu adhala i nuncana kabanara, mboomo opea mopadhana iparintaakana o Ama to ingkita.

⁵ Sii-sii iaku kupogau tee ingkoo, e Ina saangu iemaniku i ingkoo: Iemaniku sii mencuana parinta mobhaau to ingkomiu, maka ingkomiu padhamo umataua o parinta incia sii minaaka upepuu uparacaea tee Kawasana Opu, siitumo mamudhaakana ingkita tapomaamaasiaka.

⁶ Ma'anana tapomaasiaka sumai, ingkita tabeana taose manga parintana Aulata'ala i

* **1:1 1:1** *bhawine ipilina Aulata'ala tee manga ana imaasiakaku:* "Bhawine ipilina Aulata'ala" amembali ibaratina mokoma'ana saangu kolompona jama'a i saangu tampa, sainamo "manga ana imaasiakaku" amembali ibaratina mokoma'ana manga anggotana jama'a. **1:5 1:5** Yah. 13:34; 15:12; 15:17.

nuncana dhadhita. Siimo parintana mopadhana irangomiu minaaka i bhaa-bhaana, siitumo pemingkuimiu tabeana apokana tee mia momaasina tee mia mosagaanana.

⁷ Roonamo sii-sii o guru mopasaladhalana mia abharimo motiumbana tee alingkamo i saangua dunia; manga incia inda mo'akuina ande o Isa Al Masi padhamo aumba tee amembali maanusia. Siitumo mopasaladhalana mia tee moewangina Al Masi.

⁸ Rampaakanamo sumai ingkomiu ukojaga-jagamo, mamudhaakana bhari-bharia mopadhana ikarajaamami sumai inda akailanga, maka u'usahaakamea mamudhaakana fahalamiu upotibhaakea bhari-bharia.

⁹ Ande ingkomiu uose kaadhari mosaladhala tee inda uta'ati kaadhari mobanara pokaiana tee Al Masi, sumaimo ingkomiu ubholimea o Aulata'ala. Maka ande ingkomiu sadhaadhaa uose kaadhari mobanara sumai, sumaimo ingkomiu sadhaadhaa tee pokaiamiu tee Aulata'ala o Ama tee o Anana Aulata'ala.

¹⁰ Ande dhaangia sala samia moubana moad-hariakana kaadhari mosagaanana pokaiana tee Al Masi, bholi utarimaia i bhanuamu tee bholi uposalamu tee incia,

¹¹ roonamo ande ingkomiu uposalamu, ma'anana ingkomiu uose pewauna mia momadhakina sumai.

Kapadhaa

12-13

¹² Abhari mpuu manga giu bheiburiku to ingkomiu, maka kumendeu kupakawaakea alaloi

sura. Iaku kuharapu kumembali kuumbat-ikomiu tee kupogau lausaka tee ingkomiu mamudhaakana amondo o kaunde-undena ngangarandata.

¹³ Salamu to ingkomiu minaaka i manga anana witinaimu bhawine ipilina Aulata'ala. †

† **1:13 1:13** *manga anana witinaimu bhawine ipilina Aulata'ala:* Apokana tee 1, Yahya apogauaka saangu kolompona jama'a tee manga anggotana jama'a modhawuakana salamu i manga jama'a motarimana sura incia sii.

Kitabi Momangkilona Wolio

Wolio: Kitabi Momangkilona Wolio (New Testament+)

copyright © 2024 Wycliffe Bible Translators, Inc.

Language: (Wolio)

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Jul 2025 from source files dated 10 Jul 2025

7df9af1f-1c49-59d2-a164-bde0a20127b3